

譚友夏合集目錄 卷二十二

嶽歸堂已刻詩選

五言絕句

戲寄伯敬

江行四首

其一

其二

其三

其四

送宜之入燕

獨吟

代楊姬柬友人二首

其二

姊妹詞

托小米弟收雪

上山（以下三十一首皆九峯山詩）

譚友夏合集 卷二十二 目錄

下山

穀雨前日催僧採茶

松柴

拾松枝婦人

長廊

勸山僧工課

頭茶

二茶

三茶

同遠韻服膺坐泉橋

納涼于廊

開佛殿仍反鎖之與諸子寂然坐地或任

遶行

客至

出谷

飲山中人家

晨起開樓看諸嶺松色

同舍弟默坐小塔上察山間秋色一人禮塔

不言周視而去予怪焉尋跡之無異也

夜別九峯山

踏青詞

春暮見岸上草

登太子巖晴望

戀響臺

汲君山柳毅井水試茶于岳陽樓下

其二

其三

繁川莊爲無易詠

其二

發舟答別陳元朋

忽憶

在錢塘吳興間皆逢王修微女史每用詩意
詞見贈臨別答以六章

其一

其二

其三

其四

其五

其六

題伯敬畫贈俞彥直

代擘如四解

其二

其三

其四

少弟元亮端午回勗以詩

徐元歙寄二畫詩

二十九夜同木從齋宿柳菴呈真公

六言

月泊洞庭

山還

其二

其三

其四

家園示弟

其二

其三

其四

答王以明遠訊三首

其一

其二

其三

送胡用涉之越訪徐西安

寄徐子卿四首

其二

其三

其四

冬夜過村聞迴向菴鐘聲懷亡友徐九傷
其二

七言絕句

送伯敬先生還里

鄭季卿移家至題其春草齋

答彥先雨夜見柬

題李長蘅畫寒林

閏十一月新月

夢到新河而醒因寄張克雋尤時純林茂

之

舟聞

其二

赤壁示同遊諸子

聞伯敬南姬生子消息

歸經玉泉

歸經蒙惠二泉

紀行

坐雲中勸僧

贈妓同汪閻夫袁述之作

行蓼中絕句

得止生內姬楊宛叔書扇遙贈一絕句

入山尋可結草庭處

將至錫山望尤時純

秋盞逢劉同人

答修微女史

其二

西菴與男女十一人拜佛

西菴贈伯芽校書

與同人赤山哭汪閻夫

其二

逢王妓朝餘江樓病坐

團風別同人兼寄黃美中

月中舟隨劉子不覺遂至黃州

有以水晶瓶盛薔薇花露見寄者戲有所與

爲二小詩詠之

其二

住孟誕先新居送之北上

劉敬甫諸君約以臘月訪予兄弟寒河

伯敬闕歸得闕中曹能始王永啓商孟和蘇

州徐元歎四書各題一絕句

其一

其二

其三

其四

譚友夏合集 卷二十二

嶽歸堂已刻詩選

竟陵 譚元春友夏著

五言絕句

戲寄伯敬

前車馬欲佚。後車幔欲開。歡儂各相照。忘度歌風臺。

江行四首

花樹空如洗。鵝鷗凍不飛。逢船試借問。半是爲冬歸。

其二

棹轉盤塘口。鶉銜片肉斜。愁他征不息。有稅到神鴉。

其三

盛世寬儒士。褻衣每自如。爪牙來大索。怒是一牀書。

其四

安慶臨江濟。城高比塔高。漢文繇代邸。何有打城勞。

送宜之入燕

久雨傷羈客。依依復送行。莫愁前路滑。漸入異鄉晴。

獨

強讀架邊書。遶籬飛白蝶。舉頭如有人。階前落一葉。

代楊姬柬友人二首

閒坐妝樓下。買花不買葉。客從何處來。戲郎兼戲妾。

其二

今朝出桃葉。明朝折柳枝。不及渡頭船。尙有無人時。

姊妹詞

姊欲養鸚哥。問妹妹不許。笑姊一何癡。鸚哥能言語。

托小米弟收雪

忍寒提壺行。行到無人處。明夏北牕開。一甌先及汝。

上山（以下三十一首皆九峯山詩）

人真抱勝情。具卽爲之生。青蒼看不厭。移足踏松聲。

下山

俯身松下路。石與屐相商。落日催人返。幸逢東月光。

穀雨前三日催僧採茶

晴有雲不採。吾聞諸季疵。貴精兼貴少。莫待葉舒時。

松柴

松枝可憐綠。樵樹伐山光。不忍香生爨。但言春氣香。

拾松枝婦

婦人不斤斧。所愛松枝殘。靜倚牕邊較。濤聲何口口。

長廊

東廊穿西廊。風雨徒然有。信是風雨時。閉門不可久。

勸山僧工課

山僧欲戀山。成佛是第二。人趨鐘鼓聲。云是山中寺。

頭茶

萌芽不可折。除却桑茶論。桑老傷蠶意。人情亦有新。

二茶

同是嫩而拳。何知非雨前。辨茶如辨水。江半南零泉。

三茶

生意窮三摘。纖毫貴一真。采山牙笋外。不慕遠峯春。

同遠韻服膺坐泉橋

百草水光浮。行人飛兩眸。但知橋上過。安知橋上休。

納涼于廊

磬聲隨扇住。遠我散松風。風力迴衣帶。還來鳴磬中。

開佛殿仍反鎖之與諸子寂然坐地或任意遶行

香燈歸杳默。金碧入深沉。坐與行非我。諸天門裏心。

客至

鶯。旁。有。客。至。茶。筭。與。相。嘗。見。他。初。入。坐。眼。亦。在。山。光。
出。谷。

足。音。清。歷。歷。林。鳥。未。思。飛。高。興。有。程。限。不。聞。鐘。處。歸。

飲山中人家

荷。氣。生。前。坐。榴。花。紅。一。溪。牧。童。歸。應。客。黃。犢。過。山。西。

晨起開樓看諸嶺松色

看。松。有。分。合。品。松。無。淺。深。氣。于。多。處。肅。曉。在。烟。中。陰。

同舍弟默坐小塔上察山間秋色一人禮塔不言周視而去予怪焉尋跡之無異也

山。空。秋。一。歲。何。處。辨。秋。天。靈。蠢。俱。無。說。方。知。山。悄。然。

夜別九峯

招。歸。是。明。月。追。送。此。泉。聲。峯。亦。知。予。去。秋。天。一。杖。輕。

踏青詞

隨。人。風。俗。出。不。解。閣。中。藏。見。客。遙。分。路。自。知。是。女。郎。

春暮見岸上草

春。草。岸。邊。出。亦。在。岸。邊。深。君。莫。踏。春。草。離。人。三。月。心。

登太子巖晴望

上。山。如。鹿。駭。上。巖。如。猿。急。條。理。橫。與。豎。仰。資。川。光。力。

戀響臺

山外始春盡。山寒多落葉。溪聲下葉聲。反怪飛黃蝶。

汲君山柳毅井水。試茶于岳陽樓下。

湖中山一點。山上復清泉。泉熟湖光定。甌香明月天。

其二

臨湖不飲湖。愛汲柳家井。茶照上樓人。君山破湖影。

其三

不風亦不雲。靜蕤擎月色。巴丘夜望深。終古涵消息。

繁川莊爲無易詠

不杖入寒雲。雲深見父老。曉來春水生。語笑相聞早。

其二（川分清白江水灌田）

雲濤盤不盡。穡事動川香。江水存民力。何辭百道光。

發舟答別陳元朋

我卽石尤風。如何舟得去。鼓枻誦新詩。是予風順處。

忽憶

小姬未解事。一拙係予思。不避堂前婦。問予歸幾時。

在錢塘吳興間。皆逢王修微女史。每用詩詞見贈。臨別答以六言。

相送萬里碧。月光生道心。始知人意淺。不及雲流深。

其二

離時碧萬里。晤時黃一色。與汝看孤帆。不霜何可得。

其三

西陵松已暮。潛在橋邊行。夜半候舟出。沈沈作鳥聲。

其四

不用青衫濕。天涯淪落同。前夜三絃客。一聲霜露空。

其五

素澹出閨來。怒人稱小。我在鏡邊過。妄言君尙好。

其六

播諾無從入。山莊獨閉門。自然水滿研。我亦到荒村。

題伯敬畫贈俞彥直

寒林初幾株。久漸生林薄。吐納一亭中。何須上山閣。

代燁如四解

寒宵一片箋。頻放筆牀處。學郎書未終。忽寫蘭花去。

其二

數枝臘梅花。香透別離處。花在此瓶中。餘香出簾去。

其三

與郎愛月光。行入霜多處。無事亦無言。同眼看月去。

其四

有客畫溪山。是郎歸路處。嫌他添一舟。真使郎西去。

少弟元亮。端午同景以詩。

諸弟撲黃梅。汝在梅邊立。莫羨衆爭嬉。威儀小時習。

徐元歎寄二畫詩

一爲十洲女畫櫻桃

寫鳥啄櫻桃。啄之意如渴。上口是何時。櫻桃子不落。

一爲馬姬湘蘭寄王百穀芝蘭圖

寫蘭兼寫芝。老妓心如乞。默思大易言。同心正一物。

二十九夜同木從齋宿柳菴呈眞公

梅花寒寸心。照馨亦能響。老衲與香住。此香隨馨往。

六言

月泊洞庭

全迷起止何在。忽過朝昏未警。眼闔雲霄岸遠。心間月上湖平。漁人漠漠無火。商舶勞勞有人。獨立清波最久。亦如山夜深更。

山還

青嶂秋江影倒。黃州夜渡聲齊。潦餘人住峯頂。送罷僧投澗壑。

其二

僮僕皆宜客。裏形神盡在山。孤菴坐處秋色野。艇移時晚風。

其三

牛羊落日途遠。麀鹿當時價平。若問交道今古。王生潘生胡生。

其四

西山雷山興盡。竟陵秣陵思煩。夢去常先書去。弟婚常先男婚。

家園示弟

凶年殺禮人怨。暇日新文自刪。聞往江南色喜。偶遊村北行艱。

其二

池水留分北里。木橋移置西偏。此中興廢雖小。何事規圖不然。

其三

穿屋綠筠無礙。邊隄烏桕不宜。也愛秋霜染處。但防春水生時。

答王以明遠訊三首

蜀山兵定人靜。老友天寒信來。自笑草堂雖閉。野橋邊有門開。

其二

聞汝園居竹滿。又聞梅幹尤奇。繇來草木堪敬。能共高人老時。

其三

讀書益人意。智學道吐爾聰明。欲待聰明盡吐。方從爾問無生。

送胡用涉之越訪徐西安

月爲冬全好。江惟寒夜覺深。高堂一拜舟遠。不告妻孥寸心。

寄徐子卿四首

交情世情不定。故我今我無他。背人常慊以慨。獨居或嘯也歌。

其一

蘭杜不如青草。年年洲上春生。倚樓與客烟覽。遙過江帆骨驚。

其二

記君當日山志。春到西山可尋。亦履危巖習膽。遍收雲物吹心。

其三

將學陰符智短。欲謀陽羨篋奇。壺口年來可惱。鷄聲夜半如何。

冬夜過村聞迴向菴鐘聲懷亡友徐九傷二絕句

宵光滴瀝今野潮響。依違昔牀聲耳如相來去。幽明各滿傍徨。

其二

燒入多霜不滅。寒兼欲雨惟危。孤齋記我行處。老衲如君在時。

七言絕句

送伯敬先生還里

蠟磯握手未經旬。忽指金陵別返輪。寄語慈闈悲弟妹。遊子知勸久遊人。

鄭季卿移家至題其春草齋

曾讀巴山采木行。似聞山上子規聲。微宮得罪休言早。春草留君住冶城。
答彥先雨夜見柬

一嶺^溪雲催凍葉。全村密露下餘花。從來作客依僧舍。閒看僧歸尙有家。

題李長蘅畫寒林

野老風霜不出林。未知何事尙關心。上無落葉下無草。山遠天寒冬事深。

閏十一月新月

祗有微痕未有明。重添湖上仲冬晴。依依寒水掩憐處。似怯年光不忍生。
夢到上新河而醒因寄張克儁尤時純林茂之

大江汛汛夢焉之。曰去東南尋所知。夢裏相逢亦有數。竹風敲醒泊舟時。

舟聞

楊柳不遮明月愁。盡將江色與輕舟。遠鐘渡水如將溼。來到耳邊天已秋。

其二

檣燈隱見碧波紅。頂禮聲聲借福同。始覺凡夫有白業。萬船俱靜木魚中。
赤壁示同遊諸子

三遊赤壁偶興思。下拜蘇公荒穢詞。往蹟不須深抱恨。只如壬戌以前時。

聞伯敬南姬生子消息

子未生時少女愁。不須全問到箕裘。懷中若有攜持物。卽減郎前片片羞。

歸經玉泉

蟬立山光山薄寒。晚秋聲短應泉難。幽鐘秀塔泉同性。音在其中請細觀。
歸經蒙惠二泉

元氣蒼蒼勝玉泉。細源分出一溪烟。靜看今夜衣邊月。知落蒙邊落惠邊。
紀行

竹將松補青諸塢。河與沅連碧一船。寒裏覓春真不易。寸心搖處是春天。
坐雲中勸僧

投戶輕雲共遠心。老僧依火怯春陰。山雲出入艱難際。喜便關門此念深。
贈妓同汪闍夫袁述之作

衫同扇掩目相因。盼欲流光辨客真。若待山紅霜灼灼。攜君去作晚秋人。
行夢中絕句

山在皇虞猶未春。可知天地亦栖神。忍將光響私蟲鳥。不引奇山見古人。
得止生內姬楊宛叔書扇遙贈一絕句

新詞自寫未曾歌。郎有良朋謂若何。角枕豈無孤寢夜。不如筆墨共郎多。
入山尋可結草亭處

最憐門外蒼蒼路。欲理泉邊颯颯心。閒置小亭僧不管。二三人與鳥蟲深。
將至錫山望尤時純

秋積扁舟水滿隄。聞君不出在梁谿。八年相見天猶暗。未到門前山雨齊。

秋盡逢劉同人

不知君亦至江城。江甚涼時寒未成。城裏逢君郊外語。共將閒思待霜生。

答修微女史

宵燈曉火共西湖。船隔書聲聽又無。歸後憶君先憶此。春晴春雨長蘆燕。

其二

奇跡不定可天涯。傳汝梅邊亦有家。人妬人憐俱未受。或將宜稱問寒花。

西菴與男女十一人拜佛

男身女志各從容。相照樓邊五載冬。君不思惟好年力。看予涕淚聽烟鐘。

西菴贈伯芽校書

性習文人欲自除。君仍學此是何如。幽香一炷休潛禱。恐惹他生愛讀書。

與同人赤山哭汪闈夫

劉郎共往我孤還。伴約琴檣多未閒。莫恨長君今幾歲。能來一拜卽朱顏。

其二

寒草平沙路有因。赤山殘雪記今春。一言未有君先死。猶恨東風挾彈辰。

逢王妓朝餘江樓病坐

欲待風消看靜江。月邊烟下是君牕。秋燈顏色無多盼。頗愛孤鴻不易雙。

園風別同人兼寄黃美中

善處行藏與霽陰。別時只有太平心。建奴未死蜀先諫。問是山川何處深。

月中舟趨劉子不覺遂至黃州

欲老江黃製一船。米薪書史向遙天。他年未必帆中月。泊到城邊卽汝邊。

有以水晶瓶盛薔薇花露見寄者戲有所與爲二小詩詠之

一瓶冰玉照無痕。收得名花曉夜魂。是露永香香永露。附君身影欲長存。

其二

濕香貽爾發天真。頗爲花魂揀受人。何事一瓶香不散。幽花曉露是前因。

住孟誕先新居送之北上

每構樓居住不輕。令子先住識檐楹。笑着經世人間日。常遶晨昏几案行。

劉濟甫諸君約以臘月訪予兄弟寒河

經月苦無多笑處。寒河近有一鐘聲。冰霜凍滿庸人路。莫與春舟待水生。

伯敬閣歸轉閩中曹能始王永啓商孟和蘇州徐元歎四書各題一絕句

粵西山水碧。蒼煙紫蓋蒼梧俱。道邊伴客作官翻。似乍石倉幽住十餘年。（右得能始書）

其二

湖上山中念共居。身閒月好遍僧廬。只須一夕風篁嶺。抵過年年病起書。（右得永啓書）

其三

聞我園林非舊觀。自言出戶較前難。閩中天地不能雪。積入君書一寸寒。（右得孟和書）

其四

交游散後與君親。未見君時作故人。書寄笑言詩寄魄。愁君兀兀只孤身。（右得元歎書）

譚友夏合集 卷二十二

三二八

嶽歸堂卷之二十二終